



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

De quatuor causis quare contemptus diuitiarum consultur. Cap. XLIII.

[urn:nbn:de:hbz:466:1-53148](#)

304 S. BONAVENTURA
& abiecerunt eas, & recusant habere propter
Deum.

De duplice contemptu diuitiarum.

CAP. XLIII.

CONTEMPTUS autem diuitiarū duplex est,
cūm aut liberaliter effundūtur in pauperes
per opera misericordiæ, & ad cultum Dei lar-
giter expenduntur: sicut sancti reges & alij
diuites fecerunt, turbas pauperum hominum
alentes, & monasteria & Ecclesias edificantes.
Aut cūm penitus despiciuntur diuitiæ; sicut
sancti fecerunt, in mēdicitate & in opia terum
viventes: ut sanctus Pater Franciscus, & san-
ctus Dominicus, & alij Christi sectatores,
Euangelicæ perfectionis æmulatores. Iuxta
illud: Si vis perfectus esse, vade & vede omnia
quæ habes, & da pauperibus.

*De quatuor causis quare contemptu di-
uitiarum consulitur.*

CAP. XLIV.

Diuitiæ abstrahit à Dei amore **V**ATVOR autem de causis consolit
rum amor retrahit ab amore Dei & patriæ ce-
lestis, iuxta ipsius veritatis testimonium: Ne-
mo potest Deo seruire & mammonæ, id est,
diuitiis. Sicut enim de profundo terræ tollun-
tur, ita suo pondere ad infima terræ suos de-
trahunt amatores, hoc est, in profundum infer-
ni. Vnde ait Apostolus ad Timot. Qui volunt
diuites fieri, incidunt in tentationes & laqueos
diaboli, qui mergunt homines in interitum.
Diuitiæ perfectio-
nem præ-
pediunt. **S**ecunda causa est, quia retardant hominem à
profectu virtutum. Sicut enim oneratus non
potest velociter currere: sic mundanis curis
pressus

pressus non potest in spiritu expeditè proficer. Si vis ergo festinare ad patriam, si vis non teneri laqueo venantium, si vis non comprehendere in via, & in captitiatē vnde euaseras nō reduci, prouice avaritiam, & extrahe pedem de viscosa cupiditate terrenorum. Ideo Iudei tardii erant ad redditum in Hierusalem de Babylone: quia filios & uxores & possessiones iam acquisierant in Babylone: sic & religiosi tardius desiderant cœlestia, cùm in terrenis cœperint dilatari. Tertia causa ratione meriti amphoris: ^{Diuinitarū} cōtemptus quia quanto minis tibi de terrenis indulges, ^{cōemptus} meriti est tāto amplius recōpēsabitur tibi de cœlestibus ^{magni.} in gloria sempiterna. Beati enim pauperes spiritu, ^{MAT. 5,3} quoniam ipsorum est regnum cælorum; non portio aliqua, sed tota gloria regni. Vnde filius Dei dans nobis exemplum perfectionis, nihil possessionis voluit habere in terra: non agros, non domum vel redditus aliquos, præter solum vestitum, quem etiam ante crucem permisit sibi auferri; ut doceret nos quod omnia relinquere non tantum consistit in non habere volendo, sed sponte omnia pauperibus tribuendo, & etiam patienter amittendo si habita vi tollantur; quod plerumque maioris est meriti quam pauperibus tribuisse: quia rarer virtus est illa tam mala æquanimiter perpeti, quam sponte operari bona. Cùm ergo boni vires ob hoc solum vel maximè substantiam terrenam habere debeant, ut inde benefaciant, & ad meritum gloriæ æternæ expendant; quia aliter boni non essent si terrena non pia intentione quererent, & creaturam non propter Creatorem diligenterent: debent eadem ratione non minus gaudere, cùm ipsam substantiam quocunque casu amittunt, quam si eam in usus piis expendissent; eo quod eundem fructum cœlestis meritum in patienter tolerata amissione,

sione, quam & in pia dispensatione consequi non dubitant: sicut mercator illas merces æqualiter diligit, de quibus æquale luctum sibi prouenire confidit. Diuitias autem querere ut in malos usus expendantur; scilicet in vanitates, in voluptates carnis, & concupiscentias oculorum, impium est: quia per beneficium creatoris largitori eorum, scilicet Deo despectus & contumelia irrogatur. Sed ad hoc querere eas tantum, ut cumulate seruentur, futurum est: quia tantum valet congeries lapidum, sicut argenti vel auri, si nulli usui expendatur. Quarta causa, quia temporalis substantia contemptibilis est multis considerationibus. Ex sui natura, cum terra sit ignobilius elementum inter omnia. Item quia non multum est necessaria. Modicus enim vicius & vestitus & rectum sufficit homini pro necessitate ad vivendum, quod superest superfluum est. Item multis est nocua, & damnationis æternæ occasio. Item multorum patet inuidie, qui libenter eam auferrent habenti per multas artes. Item multo labore & solitudine acquiritur & servatur, etiam cum periculo vitae. Item non satiat appetitum habentis, sed quo plus habetur, eo inquietius sit. Item quia tam bonis quam malis datur: & ideo non sunt feliores qui ea abundant; immo frequenter infeliores: quia eis est occasio multorum malorum. Item quia diu eum homine non perseverat. Nam si aliter non admittitur, mors separat nos ab ea, & nihil potest homo post mortem secum deferre ex ipsa, nisi quod meruit hic per ipsam. Sapiens ergo debet parvum pendere quod vile est, & non multum laborare pro eo quod parvum est utile, & fugere quod perniciosum est, & liberaliter spargere quod conseruatum perit, & distribuendum fructificat, si in pauperes erogetur.

D6

Nota.

Diuitiae
natura
preiosae
non sunt.